

浙江文叢

兩浙名賢錄

〔第四冊〕

浙江出版聯合集團
浙江古籍出版社

浙江文叢

兩浙名賢錄

〔第四冊〕

〔明〕徐象梅撰

浙江出版聯合集團
浙江古籍出版社

兩浙名賢錄卷三十九目次

才望

漢

江夏太守賀仲真純

吳郡太守盛孝章憲子巨附

三國吳

沈子正友

典軍中郎將丁諧

晉

濟陰太守虞子文昂

廣州刺史孔德澤汪

中丞孔敬林羣

吳興太守虞思行駿子谷附

吏部尚書謝宏道奉

黃門侍郎王子猷徽之子附

兩浙名賢錄

卷之三十九

目次

一

尚書左僕射謝叔源混

宋齊梁陳

侍中沈景緯冲兄淡附

揚州別駕陸選業閑子絳附

尚書左僕射陸士完繕

揚州中從事孔淹原廣子孔通附

謝右丞岐弟嶠附

隋

禮部侍郎許務本善心

唐

太子詹事陸餘慶子璩附

給事中徐處仁岱

秘書監馮退思審子緘附

宋

工部侍郎錢就之昱

防禦使錢明叔晦弟暄附

天章閣待制沈興宗起

少宰劉德初正夫子父載二附

荆湖轉運判官劉先之敬附

判南京國子監方閎父閎附

安撫使盧行之知原

錄事參軍何茂恭恪父榮附

寶謨閣待制陸務觀游

平江守徐吉卿嘉

知鄂州莫子濛濛

吏部侍郎鄭汝諧

轉運判官葉實之綦

朝請郎王道甫自中

知閬縣胡巖起父桌子居仁附

直秘閣趙蹈中汝謙

中書舍人陳介翁力修

進士孫吉甫枝父允子起附

兩浙名賢錄

卷之三十九

目次

二

兵部尚書洪伯魯勳弟熹附

元

治中陳剛中孚

胡仍仲之綱弟之純附

明一

刑部主事葉夷仲見泰弟附

刑部郎中詹國器鼎

大理寺評事顧觀

禮部右侍郎蔣良夫驥

禮部尚書李至剛銅

南國子祭酒陳光世敬宗

刑科給事中陸中善子珪附

尚寶司少卿朱永年祚

辰州知府何彥容頌

翰林庶吉士柴廣敬欽

少詹鄒汝舟濟

太僕寺少卿沈升

監察御史陳廷章憲

陝西左參政李孟博約

山東參議張子良

刑部郎中鄭良載厚

兵部尙書徐良玉琦

僉都御史陳廷詢詔

南太常少卿夏韞輝瑄

僉都御史陸仲輿矩

大理寺卿湯正傳宗

刑部右侍郎葉景陽春

左副都御史邵以先玘

監察御史陸子達和

工部尙書王原之來

附子鑰 禮部尙書王一寧

巡撫都御史陳德清濂

應天府尹彭中孚信

左春坊周中規旋

兵部郎中洪子經常

少詹事司馬恂如恂

附子壺 湖廣參政倪良弼輔

兩浙名賢錄

卷之三十九 目次

三

禮部右侍郎汪伯諧諸

附子 工部尙書胡共之拱辰

副都御史陳宗之鎬

附弟欽

兩浙名賢錄卷之三十九目次終

兩浙名賢錄卷之三十九

東海徐象梅仲和氏纂

平原沈延銓秀納氏閱

才望

漢共二人

江夏太守賀仲眞純

賀純字仲眞山陰人少爲諸生博極羣藝三舉賢良皆不就復徵議郎數陳災害上便宜數十事多見省納官終江夏太守

吳郡太守盛孝章憲

子巨附

兩浙名賢錄

卷之三十九 才望

一

盛憲字孝章會稽人舉孝廉補尙書郎稍遷吳郡太守以疾去官居餘姚孫策平定吳會誅其英豪不附己者憲素有盛名策深忌之少府孔融愛其不免致書曹操稱孝章丈夫之雄天下談士依以揚聲宜有以引拔之操徵爲騎都尉制命未至果爲孫策所害子巨奔魏官至征東司馬

三國吳 共二人

沈子正友

沈友字子正會稽吳人年十一華歆行風俗見而異之因呼曰沈郎可登車語友逡巡卻曰君子講好會宴以

禮今仁義陵遲聖教漸壞先生銜命將以裨補先王之教整齊風俗而輕脫威儀猶負薪救火無乃更崇其熾乎歎歎曰自桓靈以來雖多英彥未有幼童若此者弱冠博學多所貫綜善屬文辭兼好武事注孫子兵法又辯於口每所至眾人皆默然莫與爲對咸言其筆之妙舌之妙刀之妙三者皆過絕於人權以禮聘既至論王霸之略當世之務權改容敬焉正色立朝清議峻厲爲庸臣所譖誣以謀反權亦以終不爲己用故殺之

典軍中郎將丁諧

丁諧錢塘人時方尙門閥而諧地族寒微與陽羨張秉兩浙名賢錄

卷之三十九 才望 二

烏程吳粲雲陽殷禮並有時名顧劭拔而友之爲立聲譽以竝陸全之列仕吳至典軍中郎將

晉共七人

濟陰太守虞子文昂

虞昂字子文翻之第八子也少有稠儻之志住吳黃門郎以捷對見異超拜尙書侍中晉軍來伐遣昂持節都督武昌以上諸軍事及建鄴不守先上還節蓋印綬然後歸順晉武嘉其有禮授濟陰太守抑強扶弱甚著威風卒於官

廣州刺史孔德澤汪

孔汪字德澤會稽內史愉之次子也好學有志行孝武帝時位至侍中時茹千秋以佞嬖見幸於會稽王道子汪屢言之於帝帝不納遷尙書太常卿以不合意求出爲假節都督交廣二州諸軍事征北將軍平越中郎將廣州刺史甚有政績爲嶺表所稱太元十七年卒

中丞孔敬林羣

孔羣字敬林餘不亭侯愉之從弟也有智局志尙不羈蘇峻入石頭時匡術有寵於峻賓從甚盛羣與從兄愉同行於橫塘遇之愉止與語而羣初不視術術怒欲刃之愉下車抱術曰吾弟發狂卿爲我宥之乃獲免後峻兩浙名賢錄

卷之三十九 才望 三

平王導保存術嘗因眾坐令術勸羣酒以釋橫塘之憾羣答曰羣非孔子厄同匡人雖陽和布氣鸞化爲鳩至於識者猶憎其目導有媿色歷仕中丞性嗜酒導嘗戒之曰卿恆飲不見酒家覆瓿布日月久糜爛邪答曰公不見肉糟淹更堪久邪嘗與親友書云今年田得七百石秫不足了麴蘖事其沈湎如此卒於官嗣子沈傳在高隱

吳興太守虞思行駿 子谷附

虞駿字思行潭之兄子也雖機幹不及於潭然而素行過之與譙國桓彝俱爲吏部郎情好甚篤彝遣溫拜駿

襲使子谷拜彝歷吳興太守金紫光祿大夫王導常謂驥曰孔愉有公才而無公望丁潭有公望而無公才兼之者其在卿乎官未達而喪時人惜之子谷位至吳國內史

吏部尚書謝宏道奉

謝奉字宏道山陰人歷安南將軍廣州刺史吏部尚書免官東還道遇謝安停三日共語安欲慰其失官奉輒引以他語雖信宿竟不言及安深恨之謂同舟曰謝奉故是奇士

黃門侍郎王子猷之

子猷之附

兩浙名賢錄

卷之三十九 才望

四

王徽之字子猷性卓犖不羈爲大司馬桓溫參軍達首散帶不綜府事又爲車騎桓冲騎兵參軍冲嘗問卿署何曹對似是馬曹又問管幾馬曰不知馬何由知數又問馬比死多少曰未知生焉知死嘗寄居空宅中便令種竹或問其故徽之但嘯咏指竹曰何可一日無此君時居山陰夜雪初霽月色清明四望浩然獨酌酒詠左思招隱詩忽憶戴逵逵時在剡便夜乘小船詣之經宿方至造門不前而反人問其故徽之曰本乘興而來興盡而反何必見安道邪雅性放誕好聲色嘗夜與弟獻之共讀高士傳讚獻之賞井丹高潔徽之曰未若長卿

慢世也其傲達若此後爲黃門侍郎棄官東歸與獻之俱病篤未幾獻之卒徽之奔喪不哭直上靈床坐取獻之槩彈之久而不調歎曰嗚呼子敬人槩俱亡因頓絕先有背疽遂潰裂月餘亦卒子猷之字公幹歷位侍中大司馬長史桓元爲太尉朝臣畢集問猷之我何如君公叔在坐咸爲氣咽猷之曰公叔一時之標公是千載之英一坐皆悅

尚書左僕射謝叔源混

謝混字叔源會稽內史琰之子也少有美譽善屬文初孝武帝爲晉陵公主求壻謂王珣曰主壻但如劉眞長

兩浙名賢錄

卷之三十九 才望

五

王子敬便足如王處仲桓元子誠可才小富貴便豫人家事珣對曰謝混雖不及眞長不減子敬帝曰如此便足未幾帝崩袁崧欲以女妻之珣曰卿莫近禁衛初元帝始鎮建鄴公始窘罄每得一狔以爲珍膳項上一鸞尤美輒以薦帝臣下未嘗敢食於時呼爲禁鸞故珣因以爲戲混竟尙主襲父爵桓元嘗欲以謝安宅爲營混曰召伯之仁猶惠及甘棠文靖之德更不保五畝之宅邪元聞慙而止歷中書令中領軍尚書左僕射領選以黨劉毅誅國除及宋受禪謝晦謂劉裕曰陛下應天受命登壇日恨不得謝益壽奉璽紋裕亦歎曰吾甚恨之

使後生不得見其風流益壽混小字也

宋齊梁陳 共五人

侍中沈景緯 冲 兄 淡 深 附

沈冲字景緯懷文之季子也仕宋歷撫軍正佐兼記室及懷文得罪被繫冲兄弟行謝情哀貌苦見者傷之柳元景欲救懷文言於孝武曰沈懷文三子塗炭不可見願陛下速正其罪帝曰宜急救之使其意分竟殺之元景爲之歎息冲兄弟以此知名累遷司徒錄事齊武在東宮待以舊恩及卽位轉御史中丞侍中遷五兵尙書冲與兄淡深名譽有優劣世號爲腰鼓兄弟淡深並歷兩浙名賢錄

卷之三十九 才望 六

川文一

御史中丞兄弟三人並爲司直晉宋所未有也武帝方欲任冲尋卒追贈太常諡曰恭子

揚州別駕陸遐業 閑 子 緯 附

陸閑字遐業慧曉之兄子也有風槩與人交不苟少爲吳郡張緒所知仕至揚州別駕齊明帝崩閑謂所親曰車駕晏百司將聽冢宰主上地重才弱必不能振難將至矣乃感心疾不復與州事永元末刺史始安王遙光據東府作亂或勸去之閑曰吾爲人吏何可逃死臺軍攻陷城閑以綱佐被收至杜姥宅尙書令徐孝嗣啟閑不與逆謀未及報徐世標命殺之閑四子厥絳完襄也

絳字魏卿時隨閑抱頸求代死不獲遂以身蔽刃行刑者俱害之厥襄自有傳

尙書左僕射陸士完 繕

陸繕字士完御史中丞任之子也幼有志尙以雅正知名紹泰元年除司徒右長史御史中丞以父任所終固辭不拜陳武帝受命遷侍中出爲新安太守文帝嗣位徵爲中庶子領步兵校尉掌東宮管記繕儀表端麗進退閒雅趨步躡履文帝使太子諸王咸取則焉後拜御史中丞猶以父所終故固辭不許乃權換解字徙以居之歷官太子詹事尙書左僕射參掌選事別勅與徐陵兩浙名賢錄

卷之三十九 才望 七

川文二

等七人參議政事卒贈特進諡曰安子子數歲詔引入殿內進止有父風宣帝因賜名慧辯字敬仁

揚州中從事孔淹 原 廣 孔 道 附

孔廣字淹原會稽人美容止善吐論以才學知名一時王儉張緒咸美之儉常云廣來使人廢簿領臣不須來來則莫聽去緒數巾車詣之每歎云孔廣使吾成輕薄祭酒其爲名流傾矚如此仕至揚州中從事時同邑孔道抗直有才藻嘗製東都賦於時才士稱會稽二孔云

謝右丞 岐 弟 嶠 附

謝岐會稽山陰人也父達梁太學博士岐少機警好學

仕梁爲山陰令侯景亂流寓東陽景平依於張彪彪在吳郡及會稽庶事委之彪每征討恆留岐監郡知後事彪敗陳武帝引參機密爲兼尚書右丞時軍旅屢興糧餉多缺岐所在幹事深被知遇永定元年爲給事黃門侍郎中書舍人兼右丞如故天嘉二年卒贈通直散騎常侍弟嶠篤學爲通儒

隋凡一人

禮部侍郎許務本善心

許善心字務本新城人祖茂梁散騎常侍父亨仕梁至給事黃門侍郎在陳歷衛尉卿領大著作善心九歲而兩浙名賢錄

卷之三十九 才望

八

四

孤爲母范氏所鞠養幼聰明有思理多聞默識爲當世所稱嘗牋上父友徐陵陵大奇之謂人曰才調極高此神童也起家新安王法曹舉秀才對策高第授度支郎中轉侍郎補撰史學士禎明二年加通直散騎常侍聘於隋遇高祖代陳禮成而不獲反命累表請辭高祖不許留繫賓館及陳亡高祖遣使告之善心衰服號哭於西階之下藉草東向經三日勅書唁焉明日有詔就館拜通直散騎常侍賜衣一襲善心哭盡哀入房改服復出北面立垂涕再拜受詔明日乃朝伏泣於階下悲不復興上顧左右曰我平陳國唯獲此人既能懷其舊君

卽是我之誠臣也勅以本官直門下省賜物千段草馬二十匹從幸泰山還授虞部侍郎時有神雀集於含章閣高祖召百官賜燕善心卽於坐請紙筆製神雀頌奏之高祖甚悅除秘書丞加攝太常少卿與牛宏等議定禮樂大業元年轉禮部侍郎時陳後主卒善心爲祭文稱後主爲陛下字文述以爲言煬帝召問有實自援古例事得釋而帝甚惡之又太史奏帝卽位之年與堯時符合善心議以國哀甫爾不宜稱賀帝方自御戎服東討善心復上封事忤旨帝責不平遂免官明年復徵爲守給事郎從度遼授建節尉突厥圍鴈門攝左親衛武兩浙名賢錄

卷之三十九 才望

九

八〇

貴郎將領江南兵宿衛殿省駕幸江都追敘前勳授通議大夫詔還本品行給事郎字文化及弒帝於江都僭位改元隋官盡詣朝堂謁賀善心獨不往化及遣人執而殺之時年六十一越王侗稱制贈左光祿大夫高陽縣公諡曰文節曾孫遠自有傳

唐共三人

太子詹事陸餘慶

子璩附

陸餘慶陳右衛將軍珣之孫也方雅有祖風已冠名未顯兄元表喈曰爾名宦不立奈何餘慶感激閉戶誦書三年以博學稱舉制策甲科補蕭尉累遷陽城尉武后

封嵩山以辨具勞擢監察御史聖歷初靈勝二州黨項
誘北胡寇邊詔餘慶招慰喻以恩信蕃酋率眾內附遷
殿中侍御史鳳閣舍人封廣平郡公太子右庶子餘慶
於寒品晚進必悉力薦藉人有過輒面折退無一言開
元初爲河南河北宣撫使薦富春孫逖京兆韋述吳興
蔣冽河南達奚珣後皆爲知名士遷大理卿終太子詹
事諡曰莊雅善趙貞固盧藏用陳子昂杜審言宋之問
畢構郭襲微司馬承禎釋懷一時號方外十友餘慶才
不逮子昂等而風流敏辯過之初武后時酷吏用事中
宗朝倖臣貴王斜封大行昭利裔禍之人與相乾沒雖

兩浙名賢錄

卷之三十九 才望

十

亟責驟用而戮不反踵餘慶以道自將雖仕不赫赫訖
無悔尤子璵字仲采舉明經補長安尉以清幹稱開元
初中朝臣子弟不官京畿改新鄉令用按察使宇文勰
薦遷澠池令累遷兵部郎中東曠騎使還除洛陽令時
車駕在洛摧勒奸豪人不敢犯爲中書蕭嵩所器嵩罷
他宰相俾陰廉嵩短璵曰與人交過且不可言況無有
邪以是忤貴近出爲太原少尹累徙西河太守封平恩
縣男屬邑多虎前守設檻葬璵至徹之而虎不爲暴

給事中徐處仁岱

徐岱字處仁嘉興人世農家子於學無所不通辯論明

銳座人常屈大歷中劉宴表爲校書郎觀察使李栖筠
欽其賢署所居爲復禮鄉名達於朝擢偃師尉禮儀使
蔣鎮薦爲太常博士專掌禮事從德宗出奉天以膳部
員外郎兼博士貞元初爲太子諸王侍讀遷給事中史
館修撰帝以誕日歲歲詔佛老儒者大論麟德殿并召
岱及趙需許孟容韋渠牟講說始三家若矛楯然卒而
同歸於善帝大悅賚予有差兩官恩遇無比性篤慎至
宮殿中語未嘗道之不談人短宗族孤孺皆爲婚嫁卒
贈禮部尚書

秘書監馮退思子緘附

兩浙名賢錄

卷之三十九 才望

十一

馮審字退思東陽人左散騎常侍定之從弟開成中爲
諫議大夫拜桂管觀察使歷國子祭酒監有孔子碑武
后所立睿宗署額審請琢周著唐終秘書監子緘字宗
之乾符初歷京兆河南尹以才幹稱

宋 其二十九人

工部侍郎錢就之昱

錢昱字就之忠獻王佐之子宋建隆初入貢京師太祖
器之太宗於南府置宴引弓校射一發中的太宗解玉
帶賜之後隨忠懿王俶奉上歸朝改領白州刺史上太
平錄一卷太宗賞其才授秘書監除工部侍郎

防禦使錢明叔晦 弟暄附

錢晦字明叔文僖惟演之仲子以父蔭歷官東上閣門使時貴州團練王守忠領兩使留後移開門定朝立宴坐位晦因言天子大朝會令宦者齒士大夫坐殿上必爲外夷所笑守忠更欲以禮服進酒晦又以爲不可勾當三班院羣牧都監授忠州防禦使知河中府帝因戒曰陝西方罷兵民困久矣卿爲朕愛撫毋縱酒樂使人呼爲貴戚子弟也晦頓首謝尋改穎州復還三班院同提舉集禧觀歷霸州防禦使爲羣牧副使卒弟暄字載陽歷官駕部郎知台州進少府監權鹽鐵副使暄鈞考兩浙名賢錄

卷之三十九 才望

三

諸路通租兩浙轉運使負課當坐暄上言浙部仍歲饑故租賦不登籍今使者獲罪必亟歛於民民不堪矣神宗卽詔釋之尋以光祿卿出知鄆州拜寶謨閣待制卒天章閣待制沈興宗起

沈起字興宗明州人進士高第監眞州轉船倉聞父病委官歸侍有司劾其擅去帝謂輔臣曰觀過知仁今由父疾而致罪何以厚風教而勵天下之爲人子者服除特遷之知海門縣御史中丞包拯舉爲監察御史以論興國鹽鐵事不合出知斬楚二州京東歲饑盜起除提點刑獄至則開首贖法携其伍盜內自嗾疑轉相束縛

唯恐後遷湖南轉運使召直舍人院加集賢殿修撰知吏部流內銓奉使契丹至王庭其位著乃與夏使等起曰彼陪臣爾不當與王人齒辭不就列遂升東朝使者自是爲定制拜天章閣待制知桂州未幾代蕭注經略交趾無功貶團練使安置郢州已而徙越又徙秀卒起生平喜談兵嘗以兵法謁范仲淹仲淹器其材注孫武書以自見卒用此敗

少宰劉德初正夫 父載子阜民阜民附

劉正夫字德初衢州西安人父載字子厚剛正有守魁南省仕檢正以論事忤執政疏乞歸正夫未冠入太學兩浙名賢錄

卷之三十九 才望

三

有聲與范致虛吳材江嶼號四俊第進士除左司諫時方究蔡卽獄正夫入對徽宗語及之正夫徐舉淮南尺布斗粟之謠以諷帝感動解散其獄待蔡王如初他日謂正夫曰兄弟之間人所難言卿獨能及此後必爲公輔又言元祐紹聖所修神宗史互有得失當折衷其說傳信萬世遂詔刊定而得起居舍人爲編修官不閱月遷中書舍人進給事中禮部尙書太學諸生習樂成蔡京欲官之正夫曰朝廷長育人材規爲時用而使與伶官齒策名以是得毋爲士子羞乎東封儀物已具正夫請間力陳不可帝皆爲之止益喜其不與京同遂拜特

進少宰半歲屬疾三上章告老除安化軍節度使開府儀同三司致仕病小愈丐東歸詔肩輿至內殿長子阜民掖入坐從容及燕雲事曰臣起書生軍旅之事未之學然兩朝信誓之久四海生靈之眾願深留聖思明日徒節安靜軍起充中太乙官使封康國公歸至盱眙病亟命子弟作遺牘自書留神根本深戒持盈八字遂卒年五十有六贈太保諡文憲帝眷命不衰以阜民爲兵部侍郎少子阜民繼猷閣待制

荆湖轉運判官劉先之牧

劉牧字先之其先爲臨安人曾大父彥琛爲吳越王將兩浙名賢錄

卷之三十九 才望

古

× 1 文

有功刺衢州葬西安於是劉氏又爲西安人牧生而明敏年十六求舉進士不中曰有司豈枉我哉乃多買書閉戶治之及再舉遂爲舉首起家饒州軍事推官與州將爭公事爲所擠幾不免及後將范文正公至牧大喜曰此吾師也遂以爲師文正亦數稱牧勉以學任之以事無不立辦歲終將舉京官牧以讓其同官有親而老者文正歎息許之曰吾不可以不成君之美及文正安撫河東乃始舉牧可治劇於是爲兖州觀察推官改大理寺丞知大名府先是多盜牧用其黨推逐有發輒得後遂無爲盜者詔集強壯刺其手爲義勇多懼怖不知

所爲欲走牧諭以詔意爲言利害皆就刺欣然曰劉君不吾欺也用舉者通判廣信軍以親老不行通判建州當是時富丞相弼以樞密副使使河北奏牧掌機宜文字保州兵士爲亂弼請牧撫視牧自長垣乘驛三日抵其城下會弼罷出牧乃之建州方并屬縣諸里均其徭役人大喜而以外艱去通判青州又以內艱去服除通判廬州朝廷弛茶權以牧使江西議均其稅蓋期年而後反奏事得請人皆便之除廣南西路轉運判官於是修險阨募丁壯以減戍卒徙倉便輸考攝官功次絕其行賕居二年凡利害無不興廢者乃移荊州北路至踰

兩浙名賢錄

卷之三十九 才望

五

× 1 文

月卒家貧無以爲喪自棺槨諸物皆荆南士人爲具牧初爲范富二公所知一時士大夫爭譽其才牧亦慨然自以爲當得意已而屯邇流落抑沒於庸人之中幾老矣乃稍出爲世用若將有以爲也而旣死是以掄材者至今爲之悵然

判南京國子監方閎

弟閎聞附

方閎嚴之淳安人博學工文章與弟閎聞同居太學每試必迭爲之魁時人語曰兩浙三方天下少雙閎仕至判南京國子監閎歷右文殿修撰致仕錫號龍亭居士聞仕歷太僕少卿

安撫使盧行之知原

盧知原字行之湖州德清人以父任累官梓州路轉運副使時承平既久戎備弛知原招補兵籍築城互二十餘里王黼當國費出無藝知原因疏言之黼怒罷去久之起提點京東刑獄改江西轉運副使先是綱運阻於重江吏卒並緣爲姦知原悉意經理故先諸道上京師進一官尋除祕閣修撰提舉河北以論罷高宗卽位復龍圖閣知温州時葉濃陷建州楊勅陷處州知原繕甲兵增城浚湟聲勢隱然帝東幸知原由海道轉粟及金縉十餘萬至台州召見稱獎擢右文殿修撰管內安兩浙名賢錄

卷之三十九 才望 夫

錄事參軍何茂恭格

父策兄恢附

何格字茂恭義烏人父策多材畧睦寇竊發詣軍門獻策主帥楊維忠用其言以取勝奏補承信郎監恩州酒稅營卒謀爲變密白郡守而往誅其元惡釋其誣誤上功轉承節郎神武後軍統制劉光世辟主管本府機宜文字未踰月徑歸每謂人曰使吾二子文行有成勝吾擁使節疏侯封也格與兄恢皆感勵而力學及同上春官格中選恢欣然曰是足以報吾父矣遂謝塲屋格好

古藏書至萬卷博覽而工於文初主永新簿再調徽州錄事參軍未赴詣闕上萬言書進恢復二十策與朝論不合歸治園構亭奉母爲樂所著有南湖集二十卷寶謨閣待制陸務觀游

陸游字務觀左丞相之孫也少穎悟問學該貫喜爲詩歌工文辭淹諳先朝典故名振一時張孝祥以詞翰自擅獨見游輒傾下之初以廕補官高宗聞其名欲召用而游以口語觸秦檜故抑不進紹興末始召對褒諭再三賜進士出身孝宗卽位遷樞密院編修官和議將成游以書白二府抗陳不便又代樞臣張燾言龍大淵曾兩浙名賢錄

卷之三十九 才望 七

觀招權植黨熒惑聖聽上詰知游所代草怒出通判夔州王炎宣撫川陝辟爲幹辦公事游爲炎陳進取之策以爲經畧中原必自長安始取長安必自隴右始當積粟練兵有釁則攻無則守又知蜀帥吳玠將叛請以吳玠子拱代之以絕亂階炎不從後挺子曦果叛人服其先識范成大帥蜀游爲參議官以文字交不拘禮法人議其類放因自號放翁預修光孝兩朝實錄成陞寶謨閣待制致仕卒年八十有五常以中原未復爲恨每形之詩歌有示兒詩云老去原知萬事空但悲不見九州同王師北定中原日家祭無忘告老翁其恢復之志垂

老不衰如此所著有劍南詩集二十卷續稿六十七卷
渭南集四十五卷行於世

平江守徐吉卿嘉

徐嘉字吉卿泌之曾孫也甫冠登第令德安以材薦召
對稱旨卽改秩監都茶場宰相趙鼎以嘉文儒宜在清
禁遂教授王邸爲御史累遷侍御史擢戶部侍郎兼權
吏書言者論其有黨上曰嘉朕親擢安得是紹興三十
一年虜亮遣使指索將相要求壤地議遣報聘上獨召
嘉及前侍郎劉岑同日見岑言臣老矣恨無以報國當
以頸血濺亮衣上不悅次問嘉嘉對願奉命與子婿俱
兩浙名賢錄 卷之三十九 才望 六

知鄂州莫子濛濛

莫濛字子濛湖州歸安人以蔭入官兩魁法科累官大
理寺正吏部火連坐者數百人久不決命濛治之濛察
最可疑者留於獄出餘人爲耳目以蹤跡之約三日復

來遂得其實繫者乃得釋黃門倖奏親擒盜五十餘人
上命濛窮竟旣至咸以冤告濛命囚去桎梏引倖至庭
詢竊發之由鬪敵之所遠近時日悉皆抵牾折之語塞
濛具正犯數人奏上餘釋之上諭輔臣曰莫濛非獨曉
刑獄可俾理錢穀遂除戶部員外郎命措置浙西江淮
沙田蘆蕩以丈量失實責監饒州景德鎮起知光化軍
謀金渝盟郡之舟眾以爲慮濛力爲辦集及敵犯境民
賴以濟召復原職上諭曰朕尙憶向措置沙田甚不易
濛頓首曰職爾臣不敢避怨上曰使任責者人人如卿
天下何事不成出知揚州陞爵上以城圯命濛增築濛
兩浙名賢錄 卷之三十九 才望 六

至州規度城闔分授諸將各刻姓名蜚堞間懸重賞激
勸閱數月告成除寶謨閣學士大理少卿兼權知臨安
府未幾假工部尙書使金賀正旦金庭賜宴濛以本朝
忌日不敢簪花聽樂金遣人趨赴濛堅不從竟不能奪
使歸除刑部侍郎兼臨安府少尹出知鄂州卒於官年
六十有一贈奉政大夫

吏部侍郎鄭舜舉汝諧

鄭汝諧字舜舉處州青田人登紹興進士穎悟貫洽出
入五經權衡諸史辛稼軒一見推服曰老子胸中有甲
兵百萬丞相洪景伯薦於朝孝宗書其名御屏曰鄭汝

諧威而能惠時浙東苦旱舉行荒政轉大理少卿持公論釋陳亮囚進吏部侍郎告老以徽猷閣待制致仕卒轉運判官葉實之奏

葉綦字實之義烏人以世科累官太常寺主簿輪對言中書政本宜清心正已以求賢爲務時宰不悅改軍器監丞差知荆門軍建堡柵開溝洫蒐練民兵人思奮勵會京師募建議築城東蒙兩山之巔綦以山無水泉且非敵路條其不便者六置制使趙方不從綦歎曰敵民誤國寧有去耳遂解印綬歸有旨除夔州路轉運判官俄復予祠結廬東山顏曰抗雲祠滿差知武岡軍未上兩浙名賢錄

卷之三十九 才望

辛

卒子由庚傳在理學

朝請郎王道甫自中

王自中字道甫平陽人登淳熙第以薦召對論古今兵制疊疊數百言顯末具舉孝宗動容嘉歎改官爲籍田令通判郢州召還光宗曰壽皇以卿屬朕卿始爲郎以相佐乎自中頓首謝曰臣已累壽皇不敢復累陛下固請外出知延州遷知興化軍終朝請郎自中博學能文章平生尙氣雖知名勝士達官知其無憂當世意直嬉笑孩視之陳同甫亮嘗稱其文曰韓筋柳骨獨步當時自謂不能及又歎今日人材眾多求如道甫髮髯邈不

可得葉水心以自中與亮同墓志云志復君之讐大義也欲挈諸夏合南北大慮也必行其所知不以得喪壯老貳其守大節也春秋之材無是也吾得二人焉永康陳亮平陽王自中銘曰哦彼黍離孰知我憂竭命殫力其爲宗周於此見二公生平之大節已

知閩縣胡巖起

父桌子居仁附

胡巖起婺之永康人當唐之季其先自台州來徙宋南渡後以進士科發身者十人持節分符先後相望父桌欽州司法參軍脫畧豪雋輕賁急施人以鄭莊稱之巖起登嘉定甲戌進士知福州閩縣事卓行危論奇文瑰兩浙名賢錄

卷之三十九 才望

壬

句端平嘉定間士大夫皆以爲不可及其在江西幕府

平贛州之難於指顧之間全活數十萬人子居仁清祐

丁未進士知台州軍州事文辭政事亦絕出於四方三世才名重於兩浙一時以爲寡儔

直秘閣趙蹈中汝讜

趙汝讜字蹈中汝談之弟少儻有軼才智畧出人上龍泉葉適嘗過其家汝讜年少衣短後衣不得避適勸之曰名門子安可不學汝讜慙自是終身不衣短後衣折節讀書與兄汝談齊名天下稱爲二趙以恩補承務郎召監左藏庫韓侂胄謀逐趙汝愚汝讜兄弟倡言非

是且上書訟汝愚冤乞斬侂冑以謝天下竟坐汝愚黨廢斥者十年後登嘉定元年進士第除大社令累遷司農丞除湖南漕遷江東憲辭除直祕閣廣東經畧又辭仍舊職知温州卒詔以直煥章閣致仕汝讜嘗將旨江湖威聲聳動襄帥趙方嘗力薦以自代嘉定兵端再起獲黃櫚阿魯哈羈於潭州汝讜時將漕欲存金以藩轡厚遇之黃櫚吐實以二蠟丸書投汝讜未能白其策而卒黃櫚在潭聞之嘔血死其規畫之不遂天也汝讜常言宗子不忘君孝子不辱身臨難則功業當如朱虛立身則德業當如子政

兩浙名賢錄

卷之三十九 才望

三

中書舍人陳介翁力修

陳力修字介翁平陽人上舍優等第一人登紹定第歷官禮兵部架閣被旨督運江東以紿豐濠廬壽五閭月致米三十五萬斛邊儲用裕擢通判泰州改知無爲軍時行和衆獨不奉詔除司封郎去之日父老將士攀轅垂泣尋爲浙西提刑海寇蘇六積暴眾所切齒前使者置不問乃設計授吏禽之拷竟其罪嘗手殺平民四十餘立誅之而貸其黨浙石震肅除祭酒都承旨兼中書舍人面對言揆路蔽賢之罪理宗大悟會戚里有以濫恩驟進者格其命遂奉祠去盜起荻浦朝廷欲鎮以舊

人乃畧憲節往行訓諭盜聞風解散久之復請祠歸卒力修識見高邁遇事敢爲故所至聲譽藹然而猶在進士孫吉甫枝

父允子起子附

孫枝字吉甫鄞人父允受業鄉先生沈銖學以眞實爲本教授鄉校者十年枝與銖之子煥同游朱文公熹門問學益精著書解十三篇嘉定間與子起予同登袁甫榜進士允時尚無恙郡守程單表其里曰重桂鄉枝卓邁有智畧自秦隴荆襄達之淮海凡邊事軍謀靡不練習淮海帥延之幕下枝以祿不逮親辭不就起予爲昭武參軍羣卒噪呼於市起予往諭之羣卒羅拜曰孫司

兩浙名賢錄

卷之三十九 才望

三

戶清廉官不得犯入朝爲監察御史至太常少卿

兵部尚書洪伯魯勳

弟熹

洪勳字伯魯咨夔之長子登淳祐四年進士第少爲崔與之魏了翁所知仕至兵部尚書嘗爲詞臣發明先皇與子之意人稱其有父氣骨贈端明殿學士謚文靖弟熹亦與勳齊名皆能紹其家學

元共二人

治中陳剛中孚

陳孚字剛中臨海人自幼清峻穎悟讀書過目輒成誦至元中以布衣上大一統賦署上蔡書院山長陞翰林

院國史編修官擢禮部郎中副尚書梁曾奉使安南詰其世子陳日燁不庭之罪往復三書宣布天子威德辭嚴氣直名重一時尋歷建德衢州兩路治中召爲翰林待制改本路治中卒贈翰林直學士嘉議大夫追封臨海郡公謚文惠有天游觀光玉堂交州桐江柯山等集

胡仍仲之綱弟之純附

胡之綱字仍仲永康人汲仲之從兄也與弟之純皆以經術文學名之綱嘗被薦書自負才名不屑小官遂蒐獵藝林博綜墳典其於聲音字畫之說自言獨造其妙惜其書不傳之純字穆仲咸淳戊戌進士踐履如古獨兩浙名賢錄

卷之三十九 才望

五

三

行者文尤明潔可誦與汲仲同稱時人謂之三胡明一 共三十五人

刑部主事葉夷仲見泰弟惠仲附

葉見泰字夷仲臨海人王師取台州見泰衣褐造軍門謁其帥帥趣見語三日夜不休署部從事遂下永嘉取福建收兩廣皆與有力焉未幾使安南卒能諭其君長來貢以功授高唐州判官遷睢寧令終刑部主事所著有蘭莊集弟惠仲亦能文號二葉

刑部郎中詹國器鼎

詹鼎字國器台之寧海人其家素賤父鬻餅市中而舍

縣之大家應繇於官者大家惟吳氏最豪貴舍其家生鼎鼎生六七年不與市中兒嬉遨獨喜游學館聽人讀書歸輒能言諸生所誦吳氏愛之謂其父令兒讀書鼎欣然其父獨不肯罵曰吾故市人家生子而能業吾業不廢足矣奈何從儒生游也然鼎每自課習夜坐餅竈下誦不休其父見其志不可奪遣之讀書逾年遂通其師所能師辭之時吳氏家延師儒鼎就學吳氏亦子育之使學未數年吳氏子無能與鼎談者其師去鼎遂爲吳氏諸子師還邑中諸儒皆與爲禮稱詹先生而不敢慢元末方國珍起海上不能制以重位授之國珍開府兩浙名賢錄

卷之三十九 才望

五

三

慶元求士爲己用是時知向背者以爲國盜也不可輔皆匿不出國珍聞鼎有才以計獲之鼎爲所獲不得已因爲之盡力爲其府都事有廉名一心守法被譖下獄半年乃釋爲上虞上虞與僞吳地相錯軍吏貴臣甚眾以鼎儒生不習邊事稍違約鼎會眾於庭引一驛丞責以不奉公斬之在庭者皆股栗膝行請罪後雖元帥萬夫長有所陳說皆長跪以言不敢舉目視其面鼎臨事有才簡牘滿前須臾而決暇復與故人賓客出游四方遊士爭及其門嘗以事過臨海令以下皆迎謁旦暮候其市中人相指歎曰學之能貴人乃至此乎至正末我

兵臨慶元城下國珍懼乘樓船遁於海上怒欲舉兵誅之莫爲計鼎爲草表謝辭甚恭而辯上讀表曰孰謂方氏無人哉是可以活其命矣乃赦不問更以國珍爲右丞鼎亦召至京師鼎爲書萬言詣闕下須駕出上之上爲之立馬受讀付丞相官鼎楊憲爲左丞惡言事者奉例徙居梁又徙陝去數年憲敗凡爲憲用者皆受誅鼎賴此以免在陝七年大臣薦鼎名於朝鼎至京師中書以謫徙人不宜用將還之於陝鼎恐還爲人所輕笑以貲屬掾吏願留掾爲之言於丞相曰詹鼎有奇才以例棄不用可惜丞相不信其人在可召視之非誣也丞相

兩浙名賢錄

卷之三十九 才望

美

XXI

果召見鼎問之鼎鬚甚美又能爲梁趙間言步趨進退閑雅有威儀丞相甚喜之稱於眾曰詹鼎尙書才也時河南行省缺郎中吏部請命鼎爲之丞相曰吾同事以鼎才不可使也待半歲除留守衛經歷改刑部郎中刑部佐僚未完有司請除吏丞相曰刑部有詹鼎在勝百輩其見稱如此鼎在刑部一以寬仁行法威聲不起而人皆樂其不苛刻罪人當分覆者爭曰願得詹公覆我我死不憾會大都督府受賂除軍吏事發誣鼎有賊御史覆鼎鼎言在留守時所養孤甥來省恐有之鼎誠不知御史曰法貴殺有名卒誅鼎與百餘人皆死鼎坐罪

薄有才人惜之鼎爲文章氣韻逼古人守身廉重行義好學不廢自陝入京師時聞人有好書價金一斤鼎無金惟所乘驢棄以買書其爲人奇偉如此及死其所養孤甥爲之服喪三年

大理寺評事顧觀

顧觀蕭山人自童幼時卽一覽不忘善屬文年十六適洪武開科之始遂以尙書領浙江鄉薦第一明年成進士太祖甚愛之日侍左右遇有咨訪呼曰小翰林太祖訪天下利病觀對曰治徒罪以上悉廷審臣民皆苦煩請自死罪外悉從外省徑決上允之遂爲一代定

兩浙名賢錄

卷之三十九 才望

毛

川上

制尋擢大理評事每審獄必令唱名卒於官年才二十有四魏文靖驥嘗從之學惜其無嗣爲設主祀之終其身

禮部右侍郎蔣良夫驥

蔣驥字良夫錢塘人弱冠領鄉薦舉洪武庚辰進士授行人美丰儀善詞令在稠人中形神秀朗獨異若游麟矯矯見之者知非常人累官檢討司直進翰林侍讀侍講學士與修太祖成祖仁宗實錄及永樂大典等書多所裁定仕終禮部右侍郎子琳卒官都察院左副都御史自有傳